

Մայիսի 4-ին, երեքշաբթի օրը առավոտյան, Վեհարանում ժողովրդական խորհրդի անդամները պատգամավորներին համատեղ մի հաղորդագրություն: Այս պատգամավորները այցելեցին Ս. Մեսրոպ Մաշտոցի անվան Մատենադարան և Ս. Սարգիս առաջնորդանիստ եկեղեցին: Այստեղ նրանց բարիգալստյան խոսք ասաց առաջնորդական փոխանորդ Տ. Գարեգին Արքեպիսկոպոսը: Նույն օրը, հետմիջօրեին, Անգլիկան եկեղեցու պատվիրակությունը մեկնեց Թբիլիսի:

Քենթրբերիի նորընտիր Արքեպիսկոպոսի սույն այցելությամբ առավել ամրապնդվեցին Հայ և Անգլիկան եկեղեցիների պատմական կապերը, նոր հեռանկարներ բացելով ապագա եղբայրական գործակցության:



ԴԻՎԱՆ ՄԱՅՐ ԱԹՈՌԻ

Ս. Էջմիածնի Մայր Աթոռս ուրախ է հաղորդելու մեր Սուրբ եկեղեցուն և համայն հայ հաւատացեալներին, որ Ռուսաստանի տարածքի վրայ ծաւալուող եկեղեցաշէն գործունէութեան ճանապարհին, արձանագրուեց ևս ազգանուէր մի իրագործում, Մոլդաւիոյ նորակազմ հայ եկեղեցական համայնքում:

Ծաբաթ օրը, 19 Յունիսին, մեծ հանդիսութեամբ տեղի ունեցաւ բացումը և օծումը Քիշնև մայրաքաղաքի Ս. Աստուածածին Հայ Առաքելական վերանորոգուած եկեղեցու, ձեռամբ Ռուսաստանի թեմի առաջնորդ Գերաշնորհ Տ. Տիրան արքեպիսկոպոս Կիրեղեանի և ի ներկայութեան խուռներամ հայ հաւատացեալների:

Մոլդաւական Հանրապետութեան նախագահ Տիար Սնեգուրը անձամբ իր ներկայութեամբ պատուեց հանդիսութիւնը և իր ջերմ խօսքով արտայայտեց իր գնահատանքն ու մեծարանքը հայ եկեղեցու և հայ ժողովրդի հանդէպ: Հանդիսութեանց ներկայ էին նաև Մոլդաւիոյ Մշակոյթի և Դաւանանքի նախարար Իոան Ունկուրեանուն և Քիշնևի քաղաքապետը:



ԴԻՎԱՆ ՄԱՅՐ ԱԹՈՌԻ

25 Յունիս 1993

Ս. Էջմիածին